



## **Presupuesto adicional di subsidio pa aña di conmemoracion di historia di sclavitud**

E gabinete ta pone disponibel por lo menos 4 miyon euro adicional via e Mondriaan Fonds y e Fonds voor Cultuurparticipatie pa facilita actividadnan cultural, social y educativo for di comunidad pa yuda organisa e Aña di Conmemoracion di Historia di Sclavitud ('23-'24). Esey a keda anuncia pa minister Dijkgraaf (OCW) diabierna 2 di juni durante e simposio di NiNsee na Utrecht. E suma aki ta bin riba e 2 miyon euro cu a keda priminti prome, loke ta haci cu tin un total di 6 miyon euro disponibel (3 miyon pa e Mondriaan Fonds, 3 miyon pa e Fonds voor Cultuurparticipatie).

Den e prome ronda di aplicacion pa e reglanan di subsidio pa e Aña di Conmemoracion di Historia di Sclavitud, e Mondriaan Fonds a haya mas cu 150 aplicacion. Tur e aplicacionnan cu a keda evalua di forma positivo den e prome ronda a surpasa e presupuesto disponibel (500.000 euro) cu hopi mas peticion. Como resultado di esaki, e ministerio di Enseñanza, Cultura y Ciencia a tuma e decision di otorga un presupuesto adicional. Cu e recursonan adicional, por otorga ainda 1 miyon euro na proyectonan for di e prome ronda. Pa e di dos ronda, e presupuesto actual di 500.000 euro lo ser aumenta cu 1 miyon. E di dos ronda di aplicacion awor ta den tratamiento.

Un cantidad di persona cu a aplica y cu a keda evalua di forma positivo den e promé ronda di aplicacion, pero no por a keda otorga pasobra no tabatin suficiente presupuesto, awor ta cualifica pa e montante adicional aki. E applicantenan aki lo haya notificacion tocante esaki na termino cortico. Applicantenan for di e promé ronda cu no ta haya ningun mensahe, no a keda considera pa otorgamento den e presupuesto adicional. E proyectonan cu ya a keda aproba por wordo mira [aki](#).

E actividadnan lo tuma luga durante e Aña di Conmemoracion cu ta cuminsa na 1 di juli 2023 y ta caba na 1 di juli 2024. Diversidad di proyectonan, e extension regional y un distribucion ekilibra entre e diferente tiponan di proyecto ta hunga un rol den e consideracion aki. Loke ta central ta e perspectivanan di tur e diferente gruponan y comunidadnan cu ta forma parti di e pasado aki cu te awor a keda poco ilumina, y cu kier conmemora e sclavitud den e Reino Hulandes di e tempo ey y e periodo di trabou di contract.

No por aplica mas pa e reglanan di subsidio na e Mondriaan Fonds. Sinembargo, ainda por aplica na e [Fonds voor Cultuurparticipatie](#).